

նստի: Կարգ եւ սահմանք, ոչ զարդարանք
 չունին յեկեղեցիս, զինչ գրեցից. այլ Հրէից
 աղանդովքն վարին, զի թլփատեն գտալայս ըստ
 Հրէից. եւ երբ լինի Ժ. ԺԲ. ամաց՝ մկրտեն
 40 ըստ Արիանոսաց: Եւ յորժամ սլատարագ առ-
 նեն կամ այլ կարգ, քօղ արկանեն զերեսօք եւ
 զգլխովք. եւ հոռմի խօսիւք եղանակեն «քի-
 բէլէզդին» եւ այլն. եւ փոխանակ ծընծղայի
 չալբարայ քշտեն: Այլ եւ կանայք նոցա երգ
 45 իմն յօրինեն՝ չրթունս մատամբ հարկանելով
 եւ ձայն հնչելով. զայս ոչ միայն յեկեղեցիս,
 այլ եւ ի հարսանիս եւ ամենայն հանդէս:
 Իրիցնին ունին կանայս. սեւ չուլ հարեղանին
 հագնին. միս բնաւ չունին. եւ ի սահոց ա-
 50 ւուրս ձիթով չուտեն, ոչ զինի բմպեն. աշ-
 խարհ(ակահ^ոն)ք եւս որպէս Հայք: Կարգաւորքն
 դնեն ի գլուխ սեւ մեծ խալուխնի կամ պոլիթ,
 բոլոր գէչա, որպէս ի Լէհ՝ Հրեայք, նոյնպէս եւ
 աշխարհականք. բայց աղօթից եւ այլ առաքի-
 55 նութեանց եւ բարի գործոցն սակաւ հոգան.
 միայն պահոց եւ անսուղութեան հետեւին:
 Իսկ իմաստութիւն եւ հանճար ոչ երբեք տեսի
 առ նոսա: Նշխարք ըստ Հոռմոց հաց տան⁴.
 եւ զայն՝ ամենայն ոք եփէ եւ ծախէ: Եւ նորա
 60 թլփատեն ոչ միայն զարուս, այլ եւ զէգս. եւ
 թէ զպատճառն այսմ կամ իս իմանալ, ընթեր-
 ցիր զպատմագիրս, զոր ոչ է պարտ երկրորդել:
 Իսկ աղքատք եւ չքաւորքն ի նոցանէ յոյժ

45 օրինեն: — 48 աղանտովքն: — 53 հրէայք:
 — 57 երբէք:

⁴ Այս ինքն՝ տան մէջ գործածուած հացը: